

“Ndien mbufo eyeyom mi, enyụn ekut mi, koro mbufo
edibinede mi ke ofuri esit mbufo.”

Usun Ndifio Abasi

USUN NDIFIOK ABASI

Kpa nte Abraham ekedide “Ufan Abasi” oto ke enye ndisuhore idem ye ndikop uyo Abasi, afo nko emekeme nditiene mfiok Abasi onyung enyene ifiok abana mfon, emem, ye edidiog Esie. Ndifiok Abasi ke ata edisuhore-idem nno Enye (Abasi) ke edibuotidem edi ata akpan ifiok ke uwem. Edi ata nkpo mkpa-idem nte Abasi ayaradede Idem-Esie onk kpukpru mme mmk emi eyomde Enye ke ofri esit!

Edieke afo wawogrede okpon ndisana k’usungfo edi osuhore de idemfo ofri-ofri onk Abasi, Spirit Esie eyedun fi ke idem. Nkpo ndomokiet idikemeke ndidiana-de fi nkpon ima Abasi edieke afo wbuotde idem ke mme unwaw Esie onyung etienede Enye ke edikop item Esie. Enye eyedi Abasi fo, afo nko eyedi ebiet unim nsogurua inyene (nkpo uto) Esie. Afo eyefiok ete ke Enye ekedep fi ke ata nsogurua nkpo (mkpa Jesus), nko Enye oyom ndinyene ebuana ye afo—idaha-emi ye ke nsi-nsi.

Beneg Abasi ndinw fi ifiok ke adana emi afo ekpepde mme itie nwed emi, emi edide Ikw Abasi. Abasi ekeyet ikot Esie aran onyung onk mmk ukeme ndiwet mme Ikw Nwed Abasi emi, nko, ke utibe usung Enye (Abasi) eketim ekpeme mme Ikw Esie emi ke mme emana emi ebede, okposuk edi nte Satan odomode ukeme ndisohi mmk (Ikw Abasi) mfep.

Mme itie Nwed Abasi eke odude ke ekpri nwed emi oto ke edisana Nwed Abasi: Nwed Mbet (Torah), Nwed Mme Psalm (Zabur), Ediwed Nwed emi otode mme asiak-uduak Abasi (Mme Prophet), ye Nti Etop (Injil).

Jehovah Abasi nnyin edi Jehovah kiet: ma ndien Abasi fo ke ofuri esit fo, ye ke ofuri ukpɔn fo, ye ke ofuri odudu fo.

—Deuteronomy 6:4b, 5

Man kpukpru obio ke ererimbot efɔk ete ke Jehovah edi Abasi; efen iduhe du. —1 Ndidem 8:60

Ami ndi Jehovah; enyiɔ mi edi oro: ndinyun nnɔɔ owo efen ubɔn mi, nnɔɔ ndisɔ mbiet itoro mi.

—Isaiah 42:8

Koro emi edi uyo Jehovah andibot enyɔn; enye edi Abasi emi obotde isɔn, onyun anamde enye; enye owuk enye, ibotke enye ke

ikpikpu, obot enye man eduɔ ke esit: ami ndi Jehovah, ndien efen iduhe.

—Isaiah 45:18

Jehovah ɔdɔhɔ, ete, Mbufo edi ntiense mi, . . . man mbufo efɔk enyun enim uyo mi ke akpanikɔ, enyun ekut ete ke ami ndi enye: ikebemke mi iso ibot Abasi, baba kiet idinyun itieneke mi edem. Ami, ami ndi Jehovah; ndien baba andinyana kiet iduhe ke mibɔhɔke ami.

—Isaiah 43:10, 11

Mbufo kpukpru mme idut ererimbot, ekabare ese mi, ndien eyenyan mbufo: koro ami ndide Abasi, ndien efen iduhe aba.

—Isaiah 45:22

Jehovah emenyene esit mbom ye mfonido, isopke iyaresit, ndien awak ima. Koro adana nte enyong okonde akan ison, kpa ntre ke ima esie okpon ye mmọ eke ebakde enye. —Psalm 103:8, 11

Edi ima Jehovah ebigi ke nsinsi-nsinsi ye mmọ eke ebakde enye, . . . ye mmọ eke etide mme ewuhọ esie enyung enamde mmọ. —Psalm 103:17a, 18b

Anie Abasi ebiet fi, ke efen mme ukwan-ṅkpọ, . . . koro enye adatde esit ndifon ido. —Micah 7:18

Ima Jehovah esin nnyin ikutak, koro mbom esie mikureke. Mmọ edi mbufa kpukpru usenubok:

akpanikọ fo omokpon.

—ጳwed Esem 3:22, 23

Koro enye ama otuk owo, enye eyenyung atua owo mbom nte eke-
mde ye ediwak ima esie.

—ጳwed Esem 3:32

Afo eyenyene ima ye mbon ima fo.

—Psalm 18:25a

Mbufo ekom Jehovah; koro enye ofonde; koro ufon esie onyung ebigide ke nsinsi.

—1 Chronicles 16:34

Koro mfiokde nte afo edi Abasi mbom ye mfon, usopke iyaresit, edi okpon ima —Jonah 4:2b

Mbom Esie onyung ana onọ kpukpru emana, onọ mmọ emi ebakde Enye.

—Luke 1:50

Ke eyo oko Jehovah okowut mi idem, ete, Mmama fi nsinsi ima: mmado mfonde ido ye afo mbigi.

—Jeremiah 31:3

Koro ami mmofioek ekikere emi nkerede mbaa mbufo, Jehovah odoho, ekikere emem, idige eke idiok, man nno mbufo utit ye idori-enyin.

—Jeremiah 29:11

Jehovah odoho, ete, Mmama mbufo.

—Malachi 1:2a

Kpa nte ete atuade ndito esie mbom, kpa ntre ke Jehovah atua mmə eke ebakde enye mbom.

—Psalm 103:13

Sese, ata idot amakabare edi emem ye ami: ndien afo amama ukpon mi osio ke obube nditaha;

koro afo omoduok kpukpru mme idiok ido mi ke edem fo.

—Isaiah 38:17

Ndien nnyin imofioek, inyun ibuat idem ke ima emi Abasi amade nnyin. Nnyin ima ima, koro Enye ekebemde iso ama nnyin.

—1 John 4:16a, 19

Jehovah Abasi fo odu ke ufot fo, omoson; enye eyenya, eyedat esit abaa fi ke idara; enye eyedop uyo ke ima esie, eyebre abaa fi ke ikwo. —Zephaniah 3:17

Jehovah afo eyenim owo ye unam. O Abasi, ima fo oson urua adaa didie! ndito owo enyun ebuot idem mmə ke mfut mba fo.

—Psalm 36:7

ATA AKPAN NKPỌ KE UWEM EMI EDI NDIFIOK ATA ABASI

Edi mmọ eke efiokde Abasi mmọ eyesọny idem enyụn enam nkpọ.
—Daniel 11:32b

Edi yak owo eke oburede, obure ke nkpọ emi, ke eritim mfiok mi, koro ami Jehovah nnamde mfonido, ye ikpe, ye edinen ido ke erimbot: koro nkpọ emi enemde mi esit: uyo Jehovah edi emi.
—Jeremiah 9:24

Ofofon ọno mmọ eke enimde uyo esie, eke eyomde enye ke ofuri esit.
—Psalm 119:2

Mmada uwem ye mkpa, eridiọny ye isunji, nnim fi ke iso; mek uwem, ndien, man afo ama Jeho-

vah Abasi fo onyụn okop uyo esie, onyụn eyire ye enye: koro enye edide uwem fo.
—Deuteronomy 30:19b, 20a

Koro nyomde ima, nyomke uwa; nyom ifiok Abasi nkan edifop uwa.
—Hosea 6:6

Kpa nte ebet enwekde oyom idim mmọny, kpa ntre ke ukpon mi enwek oyom fi, O Abasi.
—Psalm 42:1

Ndien Enye ete, Iso mi eyeka, nyenyụn nno fi nduok-odudu.
—Exodus 33:14

Mbufo edobo, enyụn efiok ete ke ami ndi Abasi. —Psalm 46:10a

NDIDU UWEM NDIANARE NKPON ABASI OWORO MKPA

5

Jehovah ada ye mbufo ke ini mbufo ededa ye enye; ndien edie-ke mbufo ediyomde enye, mbufo eyekut enye; edi edieke mbufo edikponde enye, enye eyekpon mbufo.
—2 Chronicles 15:2b

Esit abiana akan kpukpru nkpɔ, onyū abiaara fap; anie edikeme ndifiok enye?
—Jeremiah 17:9

Enyene usū eke enende ke iso owo, edi utit esie edi usū mkpa.
—Mme Ike 16:25

Koro edieke Abasi mikayakke mme angel emi ekeduede ebɔhɔ, edi otopde mmɔ ɔduok ke itieufen, onyū esinde mmɔ ke nkim-nkim

ukpe, ete, enim mmɔ etie do ebet ikpe; Obɔn ɔmɔfiok ndinyana mmɔ emi etenede Enye nsio ke idomo, ndinyū mmum mme idiok owo nnim ke itie ufen, tutu osim usen ikpe.
—2 Peter 2:4, 9

Edi edieke mbufo midikopke uyo Jehovah, edi etut utɔn ke uyo Jehovah, ndien Jehovah eyeda ubok odori mbufo.

—1 Samuel 12:15a

Edieke owo midunke Mi ke idem, esio enye efep nte nkɔk, enye onyū akabare asat; ndien etan mme nkɔk oro esin ke ikan, enyū efɔp mmɔ.
—John 15:6

MAN IKEME NDIFIOK ABASI, NNYIN INYENE NDIYOM ENYE

Ndien mbufo eyeyom mi, enyū
ekut mi, koro mbufo edibinede mi
ke ofuri esit mbufo.

—Jeremiah 29:13

Ama . . . ɔduɔre . . . nte ɲkpɔ-
uto eke edibede; Ndien afo . . .
osime ifiok Abasi. —Mme Ɔke 2:4, 5

Ebene, ndien eyenɔ mbufo; e-
yom, ndien mbufo eyekut; etuak,
ndien eyesio usū enɔ mbufo.

—Matthew 7:7

Edi ke mbuɔtidem miduhe, owo
ikemeke ndinem Abasi esit; koro
owo eke asanade ekpere Abasi
enyene ndinim ete Enye ododu,

onyū edi Andinɔ mmɔ emi eyo-
mde Enye utip. —Hebrew 11:6

Ami mmama mmɔ eke emade
mi; ndien mmɔ eke ebakde eyom
mi eyekut mi. —Mme Ɔke 8:17

Jehovah ɔmɔfɔn ye mmɔ eke e-
betde enye, ɔfɔn ye ukpɔɲ eke oyo-
mde enye. —Ɔwed Esemɛ 3:25

Enye anam kpukpru mme idut
eto ke ekpuk kiet ewɔɔ edidū ke
ofuri iso isɔɲ: . . . kpɔɲ mmɔ eyom
Abasi, ete ndusuk ifiɔɲ ubɔk
iɲwana ndisim Enye, nnyū ɲkut
Enye; okposuk edi nte Enye mi-
yomke usū ye baba nnyin owo
kiet. —Utom mme Apostle 17:26a, 27

Koro Jehovah Abasi mbufo enyenede esit mfɔŋ ye mbɔm, mi-dinyuŋ ikabakere iso esie ikpɔŋ mbufo, ke mbufo efiakde etiene enye.

—2 Chronicles 30:9b

Koro afo, Ɔbɔŋ, ɔmɔfɔn, omonyuŋ ama ndidahado; omonyuŋ awak ima ye kpukpru mmɔ eke esemedede enɔ fi.

—Psalm 86:5

Esana ekpere Abasi, ndien enye eyesana ekpere mbufo.

—James 4:8a

Mbufo edi, nnyin inyuŋ itiene Jehovah.

—Hosea 6:1a

Jehovah emekpere kpukpru mmɔ eke esemedede enɔ enye, kpukpru mmɔ eke esemedede enɔ enye ke akpanikɔ.

—Psalm 145:18

Jehovah ɔdɔhɔ ete, Mbufo edi ndien, nnyin ikpe ikɔ: mme idiɔk ido mbufo ekpetie nte iduot, eye-fia nte snow; ekpeyibe nte crimson, eyekabare nte idet erɔŋ.

—Isaiah 1:18

Etienne Mi, kpukpru mbufo emi ekpade mba enyuŋ ebiomde edido-bi mbiomo, ndien Ami nyeno mbufo nduɔk-odudu. Emen ɔkpɔ-nɔ Mi ekɔŋɔ ke itɔŋ mbufo, enyuŋ ekpebe Mi; koro mmenyene ifure-ifure ido nnyuŋ nsuhɔre idem ke esit; ndien mbufo eyekut nduɔk-odudu enɔ ukpɔŋ mbufo.

—Matthew 11:28, 29

Ndien owo eke etienede Mi ndi-binke enye nduɔk.

—John 6:37b

Anie, ... ebiet fi O Jehovah?
... emi okponde uboŋ ke edisana
ido? —Exodus 15:11a

Baba kiet isanake nte Jehovah:
koro efen miduhe ke mibohoke
afo. —1 Samuel 2:2a

Mbufo mbon eti-ibuot, ekop
ndien uyo mi. Nsa Abasi, enye
idiokke. Nsa Abasi Ibom, enye i-
namke ukwaŋ-ŋkpɔ. —Job 34:10

Edisana, edisana, edisana, Jeho-
vah mme udim: uboŋ esie ke ɔyɔhɔ
ke ofuri ererimbot. —Isaiah 6:3b

Koro emi edi uyo Enye emi oko-
nde, onyūŋ emenerede ke enyūŋ,
emi odunde ke nsinsi, enyiŋ esie
onyūŋ edi Edisana, ete, Ami

nyeduŋ ke edikoŋ ye edisana ebi-
et. —Isaiah 57:15a

Jehovah emenen ke kpukpru
usuŋ esie, onyūŋ ɔfon ido ke kpu-
kpru se enye anamde. —Psalm 145:17

Enye emi edide eti, iduhe, ke
mibohoke Kiet, kpa Abasi. —Mark 10:18b

Anie editre nditeŋe Fi, O Oboŋ,
ndinyūŋ nno enyiŋ Fo uboŋ? Koro
Afo ikpoŋ edi edisana. —Eriyarare 15:4a

Edisana, edisana, edisana, Jeho-
vah Abasi, Andikara kpukpru
ŋkpɔ, enye emi okodude-du, emi
onyūŋ odude-du, emi edi-nyūŋ
edide. —Eriyarare 4:8

IKOT ABASI ENYENE NDIDU EDISANA UWEM 9

Afo omonim ke akpanikọ ete, Abasi kiet ke odudu? Ofon: mme demon nko enim ke akpanikọ enyū enyek. Edi nte afo, O ndisime owo, eyekam ofiok ete, erinim ke akpanikọ eke misanake ye erinam nkpọ inwumke mfri? Yak mbufo edi mme anam-ikọ, ekudi mme andikokop ikpọn-ikpọn, ebiāna idem.

—James 2:19, 20; 1:22

Jehovah abat usū idiok owo ke mbubiam: edi enye ama owo eke etienede edinen ido.

—Mme Nke 15:9

Eda emi eyarare efioke ndito Abasi ye ndito Satan; baba owo kiet eke minamke edinen ido idige eke Abasi, ndien edi ntre ye owo

emi mimana eyen-ete esie.

—1 John 3:10

Eti nnyin esana ke emem ye kpukpru owo; enyū esana ke edisana ido; koro esiode oro efep, baba owo kiet idikwe Obon.

—Hebrew 12:14

Edi kpa nte Andikot mbufo edide Edisana, mbufo nde ekabare esana ke ofuri edu uwem mbufo; koro ewet ntem ete, Mbufo edisana, koro Ami ndide edisana.

—1 Peter 1:15

Mbufo eyom eti nkpọ, ekuyom idiok, man edu uwem: ndien ntem ke Jehovah Abasi mme udim edidu ye mbufo, kpa nte mbufo eke-dohode.

—Amos 5:14

MME NKPO EKE ABASI ONODE EWUHO ABANA

Ndien nso ke Jehovah oyom ye afo, ke mibohoke ndinam se inende, nnyun mma ima Abasi, nnyun nsuk idem nsaga ye Abasi fo?
—Micah 6:8b

Mbufo edi edisana: koro ami Jehovah Abasi mbufo ndide edisana.
—Leviticus 19:2b

Ma Jehovah Abasi fo ke ofuri esit fo, ye ke ofuri ukpon fo, ye ke ofuri odudu fo, ye ke ofuri ekikere fo; nyun ma mbahidun fo nte idem fo.
—Luke 10:27b

Omofiak mbet, Kuwot owo, Kusin efibe, Kuyip ino, Kudi ntiense nsu, Kutuk owo, Kpono uso ye uka.
—Mark 10:19

Ekunyun ekabare ebiet eyo emi, edi eyak mbufo ekpuhore, oto ke erinam emi enamde esit mbufo edi obufa.
—Rome 12:2a

Kuyak nwed mbet emi aworo okpon inua fo; edi kere enye ke uwemeyo ye ke okoneyo, man afo ekpeme ndinam kpukpru se ewetde ke esit: koro ntem ke afo edikut unen ke usun fo, onyun otim anam.
—Joshua 1:8

Enyene mbuotidem ye Abasi.

—Mark 11:22b

Ndien item emi ke nnyin ikobo ke ubok Esie, ete, owo emi amade Abasi edima eyen-ete esie nko.

—1 John 4:21

Jehovah asasua nkpo mbitiokiet emi: ukpon esie onyung ese mbitiaba emi ke mbubiam: Nkokidem, edeme nsu, ye ubok eke edukde iyip owo eke miduehe, Esit eke aduakde uduak ibak, ukot eke esopde ebine idiok, Owo eke oyokde nyok, nte ntiense nsu, ye owo eke edemerede utok ke otu ndito ete kiet.

—Mme Nke 6:16-19

Koro ami Jehovah mmama ikpe, nsasua se edade ke nwo.

—Isaiah 61:8a

Edi ama edi mbon esit ndik, ye mmo emi minimke ke akpaniko, ye mmo emi emade mbubiam ido, ye mme owot owo, ye mbon use, ye mbia idion, ye mme okpono ndem,

ye kpukpru mme osu nsu, udeme mmo eyedu ke akwa mkpodioho emi asakde ye ikan ye brimstone, emi edide uadiana mkpa.

—Eriyarare 21:8

Mbufo ekpeme ndien spirit mbufo, owo baba kiet okunyung abiana nwan uyen esiemo. Koro Jehovah . . . odohode, ete ke imo isasua usiondo. —Malachi 2:15b, 16a

Mbufo ekunyung ekere idiok kiet ye kiet, ke esit mbufo; ekunyung ema unwonso nsu: koro kpukpru nkpo emi edi se ami nsuade, Jehovah odoho.

—Zechariah 8:17

Afo ama se inende, onyung asua se ikwanade.

—Psalm 45:7a

12 MME OWO EWORO EKPOŃ SE ABASI OYOMDE

Mbufo nte mbufo inyeneke ima Abasi ke esit mbufo. —John 5:42

Koro owo ekededi eke edinimde ofuri ibet, edi eduede ke nde kiet kpɔt, amakabare edue isop ke ofuri ibet. —James 2:10

Ndien ami ndɔhɔ, nte, Mbɔm mi! koro mmakpa: koro ami ndide owo edidehe mkpɔk-inua, nnyuŋ nduŋ ke otu mbon edidehe mkpɔk-inua: koro enyin mi okutde edidem, Jehovah mme udim. —Isaiah 6:5

Mmɔdo owo emi ɔfiɔkde ndinam eti ŋkpɔ, ndien minamke, eritre nnam oro edi idiɔk-ŋkpɔ ɔnɔ enye. —James 4:17

Nte emi ewetde ete, Baba owo kiet eke enende iduhe, baba owo kiet. —Rome 3:10

Koro kpukpru owo ema enam idiɔk-ŋkpɔ, enyuŋ etaba ubɔŋ Abasi. —Rome 3:23

Baba owo kiet eke minamke edinen ido idige eke Abasi, ndien edi ntre ye owo emi mimana eyen-ete esie. —1 John 3:10b

Kpukpru nnyin idiyo nte erɔŋ: kpukpru nnyin ikabare iduk ke usuŋ nnyin. —Isaiah 53:6a

Anie ekeme ndida ke iso edisana Jehovah Abasi emi? —1 Samuel 6:20b

MME UTOM NNYIN IKEMEKE NDINEM ABASI ESIT

13

Koro ndi ntiense nno mmo, nte mmo enyene ifiopesit ebaa Abasi, edi ifiopesit mmo isanake ye ifio. Koro sia mmo mifiokke edinen ido Abasi, enyung eyomde ndinam edinen ido idem mmo osong ada, mmo inyimeke ndisuk idem nno edinen ido Abasi.

—Rome 10:2, 3

Nnyin kpukpru inyung ibiet ngko ndek, kpukpru nti ido nnyin enyung ebiet edidehe ofonidem; kpukpru nnyin inyung iyemere nte ikon; mme idiok ido nnyin enyung emen nnyin efep nte ofum.

—Isaiah 64:6

Ke ini ndohode eti owo, nte,

Enye eyedu uwem; ndien enye obuat idem ke edinen ido esie, onyung anam se ikwanade, iditihi edinen ido esie baba; enye eyekpa ke ukwan-ngko esie eke enye akanamde.

—Ezekiel 33:13

Mmo emi edude ke obukidem inyung ikemeke ndinem Abasi esit.

—Rome 8:8

Koro ikpe iditebeke baba owo kiet ke iso Esie kaba erinam utom ibet.

—Rome 3:20a

Emi iworo ite nnyin imekeme ke idem nnyin ndibiere ngko eke-dedi ke odudu idem nnyin: ukeme nnyin oto Abasi.

—2 Corinth 3:5

14 IDIƆK-ŊKPƆ ADIANARE NNYIN ƆKPƆŊ ABASI

Mmado, nte idiƆk-ŋkpƆ okotode owo kiet oduk ke ererimbot, mkpa onyũ otode ke idiƆk-ŋkpƆ oro oduk; mkpa onyũ ebe osim kpu-kpru owo, koro kpukpru owo ema enam idiƆk-ŋkpƆ. —Rome 5:12

Ekem idiƆk udũ ama uyomo, aman idiƆk-ŋkpƆ; idiƆk-ŋkpƆ ama ƆkƆkƆri, osioŋo mkpa. —James 1:15

Edi ukpƆŋ eke anamde idiƆk eyekpa. —Ezekiel 18:20a

Edi mme idiƆkŋkpƆ mbufo eme-dianare mbufo ye Abasi mbufo, mme oburobut ido mbufo emenyũ edip mbufo iso esie, esin enye okukop. —Isaiah 59:2

Nte eti ido asanade ke uwem: kpa ntre ŋko ke owo eke ebinede

idiƆk ido asana etiene mkpa esie.
—Mme Ŋke 11:19

Ntem ke Abasi Ɔdũhũ, ete, Nsi-nam mbufo ebietde mbet Jehovah? Mbufo idikwe unen. Koro mbufo ekpƆŋde Jehovah, enye omonyũ ƆkpƆŋ mbufo.

—2 Chronicles 24:20b

Koro emiom ebietde idioŋ, itun onyũ ebiet idiƆk ido ye mkpono-idem. Koro afo emesin uyo Jehovah, enye ŋko esin fi.

—1 Samuel 15:23a

Ke ini oro mmũ eyeseme ekot mi, edi ndiyereke Koro mmũ ekesuade ifiƆk, minyũ imekke nditiene Jehovah.

—Mme Ŋke 1:28a, 29

Abasi ekpe ikpe edinen owo;
Abasi onyū ayat esit (ye mme
idiok owo) kpukpru usen.

—Psalm 7:11

Jehovah isopke iyaresit, enye
onyū okpon odudu, edi enye idi-
yakke mme edue-isop ebōhō.

—Nahum 1:3a

Mme ido emi eda iyaresit Abasi
etiene nditō ntut-utō.

—Colossae 3:6

Koro iyaresit Abasi oto ke hea-
ven ayarare adian kpukpru unana
uteh Abasi ye ukwanido owo,
emi edade ukwanido ebiohō akpa-
nikō.

—Rome 1:18

Mmō eyohō ye kpukpru ukwan-
do ye oburobut ido ye idiok
mbumek ye udu; eyohō ye ufup, ye
obom, ye utok, ye ŋkari, ye idiok
esit; mmō edi mbon-nsuk-uyo,
mbon ibana, mbon emi Abasi asu-
ade, mbon emiom, mbon ikpone-
sit, mbon mbure, mme etibi idiok-
ŋkpō, ye mme osō-ibuot ye ete ye
eka; mmō edi mme anana ifiok,
mme abiat ediom, mme anana
ima uduot owo, ye mme anana esit
mbom: okposuk edi nte mmō
efiokde ewuhō Abasi, ete mme
andinam oruk ŋkpō emi edot
mkpa, mmō enam mme ido emi ke
idem mmō, enyū edara mmō emi
enamde.

—Rome 1:29-32

Ndien kpa nte ema enim eno owo ndikpa ini kiet, ndinyuṅ nda ke itie-ikpe ke oro ebede.

—Hebrew 9:27a

Mmonyuṅ ndoḥo mbufo nte, Ke usen ikpe mme owo eyeno mbuk ebaṅa kpukpru ikpikpu iko eke mmo etinḍe.

—Matthew 12:36

Koro Abasi eyekot kpukpru ṅkpɔ emi enamde edi ikpe, okoro ke kpukpru ndibe-ndibe ṅkpɔ, edide eti, enyuṅ edide mme idiok.

—Ecclesiastes 12:14

Ntre ke edidi ke akpatre ini eyo emi; mme angel eyewoṅo edi edidianare mme oburobut owo esio ke ndinen owo, enyuṅ eduoṅo mmo ke akwa ikaṅ eke asakde. Do

ke eritua eyet ye erita edet eyedu.
—Matthew 13:49, 50

Ndien ṅkut mme akpa-mkpa, ikpɔ ye ṅkpri, nte edade ke iso ebekpo. Ndien ekibore mme ṅwed; enyuṅ ekibore ṅwed eṅwen, emi edide ṅwed uwem; enyuṅ eda se ewetde esin ke ṅwed oro ekpe ikpe mme akpa-mkpa, nte ekemde ye se mmo ekenamde. Ndien emen owo ekededi eke mikewetke enyiṅ esie isin ke ṅwed uwem eduok esin ke akwa mkpodiḥo ikaṅ.

—Eriyarare 20:12, 15

Edi ata ṅkpɔ ndik ndiduo nsine ke ubok Abasi emi odude uwem.

—Hebrew 10:31

Enyin Jehovah edu ke kpukpru ebiet, ese mme idiok owo ye nti.

—Mme Nke 15:3

O Jehovah, afo omaduṅo mi, omonyun ofiok. Afo omofiok nte nsuhorede ntie, ye nte ndahade nda; afo omotim ofiok ekikere mi nsan-nsan. Afo otim onyungo isan mi ye ebiet eke nnade, onyun ofiok kpukpru usun mi. Koro baba iko kiet miduhe mi ke edeme; sese, Jehovah, afo omofiok mmo kpu-kpru.

—Psalm 139:1-4

Koro (mmensehe) nte owo esede; koro owo esede enyin, edi Jehovah ese esit.

—1 Samuel 16:7b

Koro enyin mi esuk ese kpukpru

usun mmo: mmo idikemeke ndidibe iso mi, idiok ido mmo idinyun ikemeke ndidibe enyin mi.

—Jeremiah 16:17

Nte andito uton idikopke? Nte andibot enyin idikwe nkpo?

—Psalm 94:9

Baba nkpo kiet eke odibede Enye ke enyin inyun iduhe; edi kpukpru nkpo ena iferi ye ata inwan-inwan ke enyin Abasi, emi nnyin isanade nkpo ye Enye.

—Hebrew 4:13

Koro enyin esie esede usun owo, onyun okutde kpukpru ikpat esie. Ekim iduhe, mfut mkpa inyun iduhe, eke mme anam-idiok eke-medede ndidibe do.

—Job 34:21, 22

NDIKPỌN IDIỌK-ỌKPỌ EDI SE EYOMDE OTO NNYIN

Ọbọn Jehovah ọdọhọ ete, Nte mkpa idiok owo enem mi esit ba-ba? Nte erikabare eke enye akabarede ọkpọn usun esie, odu uwem, inemke mi esit? —Ezekiel 18:23

Ndọhọ mbufo nte, idige ntre: edi ke mbufo mikabakere esit, mbufo kpukpru eyetak kpa ntre.
—Luke 13:3

Owo eke odipde idiok ido esie idikwe unen: edi owo eke ayararede, onyụn ọkpọnde mmọ, eyekut mbom.
—Mme Ọke 28:13

Jehovah onyụn ọdọhọ ke emi nko, ete, Mbufo efiak etiene mi ke ofuri esit mbufo, ye ke utre-udia,

ye ke ntua-eyet, ye ke eseme: ndien mbufo ewai esit mbufo, ekuwai edisine-ọkpọ mbufo, enyụn efiak edem etiene Jehovah Abasi mbufo: koro enye enyenede mfon ye mbom, isopke iyaresit, onyụn awak ima.
—Joel 2:12, 13a

Mbufo emen iko mbufo efiak etiene Jehovah: edọhọ enye, ete, Men kpukpru idiok-ọkpọ fep, nyun da eti.
—Hosea 14:2a

Enye ọkwọ ọnọ owo, onyụn ọdọhọ, ete, Ọkanam idiok, . . . Enye afak ukpọn mi, ete okube oduk ke udi, uwem mi onyụn okut un-wana.
—Job 33:27, 28

ERIKABARE ESIT ADA ERIFEN KE MME 19

IDIOK-ŊKPO OSOK FI

Yak idiok owo ɔkpɔŋ usun esie, yak oburobut owo ɔkpɔŋ ekikere esie: onyun afiak etiene Jehovah: ndien enye eyetua enye mbom; etiene Abasi nnyin, koro Enye eyewak ndidahado. —Isaiah 55:7

Jehovah emekpere mmɔ eke esit ɔbuɔde mmɔ; onyun anyan mmɔ eke esit ɔduɔde. —Psalm 34:18

Man kpukpru mmɔ ekabare ɛkpɔŋ mme idiok usun mmɔ; man ami ndahado ke ... ukwan-ŋkpɔ mmɔ. —Jeremiah 36:3b

Nyesian fi ndudue mi, ndien ŋkofukke mme ukwan-ŋkpɔ mi. Ŋkodohɔ nte, Nyetiŋ mme idiok

ido mi nno Jehovah; ndien afo efen ukwan-ŋkpɔ ye ndudue mi.

—Psalm 32:5

Edieke nnyin iyararede mme idiok-ŋkpɔ nnyin, Enye edi anam-akpanikɔ onyun enen, ete ifen mme idiok-ŋkpɔ nnyin, inyun iyet nnyin isana ke kpukpru mme ukwan-ŋkpɔ. —1 John 1:9

Ekabare esit ndien, enyun efiak edem, man esohi mme idiok-ŋkpɔ mbufo efep.

—Utom mme Apostle 3:19a

Erikabaresit ɔwɔɔ ediyarade idiok-ŋkpɔ nno Abasi nnyun ŋwɔŋɔre ŋkpɔŋ mmɔ.

AKANA NTE EWA UWA MAN NNYIN IKEME NDITIE KE EMEM YE ABASI

(Idiok-ṅkpɔ akada ubahare
edi, ibuot 14.)

Ndien yak enye ada ubok esie odori edifop uwa ke ibuot; ndien enye akabare edi se idinamde enye enem Jehovah esit, ndisio isop esie. Koro uwem unam odude ke iyip: ami mmonyun nda enye, ndori ke itie-uwa nno mbufo, ndisio isop nno ukpon mbufo: koro edide iyip osio isop onno ukpon.

—Leviticus 1:4; 17:11

Ndien osuk esisit eda iyip enam kpukpru ṅkpɔ esana, nte ido ibet edide; ndien ke eriduok iyip miduhe, eridahado inyun iduhe.

—Hebrew 9:22

Yak eyen ufene mbufo onn ama, edi ayara, osim isua kiet. Ndien iyip oro eyedi idionno mbufo ke mme ufok eke mbufo edude do: ndien nyekut iyip oro, nnyun mbe mbufo, ufen idinyun isimke mbufo, nte nsobo.

—Exodus 12:5a, 13a

Ndien Abraham onnoh ete, Eyen mi, Abasi eyeyom eyen eron uwa onno idem esie. Ndien Abraham emenere enyin esie ese, ndien, sese okukim ke edem, emi nnuk esie okomode ke mfuhon ikot: ndien Abraham aka okomum okukim oro, onyun awa enye ke uwa ke itie eyen esie. —Genesis 22:8a, 13

JESUS EDI EYEN EROŊ-UWA EMI ABASI OKONODE

21

Ke ndaŋ-nsiere John okut nte Jesus asanade ekpere enye, onyūŋ ɔdɔhɔ ete, Sese, Eyen-erɔŋ Abasi emi emende mme idiok-ŋkpɔ ererimbot efep. —John 1:29

Etuk enye, enye onyūŋ ɔsuhɔre idem esie onim, inyūŋ itatke inua esiemo; eda enye nte eyen-erɔŋ eka, ete ekewot, ndien kpa nte uman erɔŋ odopde inua ke iso mme andifat enye, kpa ntre enye inyūŋ itatke inua esiemo.

—Isaiah 53:7

Ŋwaŋwaedisio ke iyip Christ, emi ke odudu nsinsi Spirit akawade Idem Esie ɔnɔ Abasi nte ata edisana uwa, ediyet esit mbufo, an-

am mbufo ebɔhɔ utom mkpa, enyūŋ enam ŋkpɔ enɔ Abasi uwem. . . . Enye inyūŋ idaha iyip ebɔt ye enaŋ isana ibe iduk, edi ada iyip Esiemo oduk ke Edisana Ebiet ini kiet kpɔt, ke Enye ama ɔkɔbɔ nsinsi ufak ɔnɔ owo. Kpa ntre ŋko Christ, ke ekewade Enye ini kiet ete obiom idiok-ŋkpɔ ediwak owo. —Hebrew 9:14, 12, 27b

Sia efioƙde ete, ikadaha mbiara ŋkpɔ, kpa silver ye gold, ifak mbufo . . . edi ekada iyip eke ɔsɔŋde urua efak mbufo, nte iyip eyen-erɔŋ eke ananade ndo onyūŋ ananade ntɔi, kpa eke Christ.

—1 Peter 1:18a, 19

NNYIN INYENE UFAK (UWORO-UFIN) OTO SE ABASI OKONODE

Edi etebe mmọ ikpe ke ikpikpu ke mfon Esie, oto ke erifak emi odude ke Christ Jesus: emi Abasi okosiode onim ete edi uwa emem ke iyip Esie, oto ke mbuotidem.

—Rome 3:24, 25a

Edi Abasi otim ayarare ima eke amade nnyin, ke emi Christ akpa-de ke ibuo nnyin ke adanemi nnyin isuk idide mme idiok owo kaṅa. Nwanwaedisio ndien, sia ema enam ikpe etebe nnyin ke emi ke iyip Esie, ke eyenyaṅa nnyin esio ke iyat esit oto ke Enye.

—Rome 5:8, 9

Koro ke mfon ke ema enyaṅa mbufo oto ke mbuotidem: erinya-

ṅa emi inyū itoho mbufo; edi Abasi ọnọ: itoho se mbufo ena-mde, mbak owo baba kiet edibure mbure.

—Ephesus 2:8, 9

Kpukpru mme prophet eketiṅ iko nte ntiense ebaṅa Enye, ete, owo ekededi eke ọbuotde idem ye Enye eyebọ erifen mme idiok-ṅkpọ ke enyiṅ Esie.

—Utom mme Apostle 10:43

Erinyaṅa inyū itoho ke baba owo kiet efen: koro enyiṅ baba kiet efen inyū iduhe eke enode ke otu owo ke idak ikpa-enyọ, eke enyenede ndida nnyaṅa nnyin.

—Utom mme Apostle 4:12

... Abasi ɔdɔŋ angel Gabriel utom, ke obio Galilee emi ekerede Nazareth, etiene eyen-aŋwan, emi ekedade eno owo ufɔk David emi ekerede Joseph ke ndɔ; enyiŋ eyenaŋwan oro ekere Mary.... Ndien angel ɔdɔho enye ete, Kufehe ndik, Mary: koro afo ama okut mfoniso ke iso Abasi. Ndien sese, afo eyeyomo, onyuŋ aman eyeneren, onyuŋ osio Enye enyiŋ JESUS. Enye eyekpon, eyenyuŋ ekere Eyen Andikon-ŋkan;... Ubɔŋ Esie idinyuŋ ikureke. Edi Mary ɔdɔho angel ete, Nkpɔ emi edikeme didie ndisu, sia mmenye-neke ebe? Ndien angel ɔbɔɔ

enye ete, Edisana Spirit eyedoro fi ke idem, odudu Andikon-ŋkan eyenyuŋ ofuk fi: mmɔdo se idimade eyekere Edisana, Eyen Abasi.... Koro iko baba kiet eke otode Abasi idinanake odudu. Mary ete, Sese, ofin-aŋwan Jehovah; akpakam osu ɔno mi kpa nte uyo fo edide. Ekem angel adaha ɔkpɔŋ enye.

—Luke 1:26-38

Mme owo emi ekedukde ke ererimbot ke mme iketoho ke ebuana aŋwan ye eren eke di Adam ye Christ. Adam akada idi-ɔk-ŋkpɔ edi ke ererimbot, edi Jesus akada erikaŋ idiok-ŋkpɔ edi.

Okposuk edi nte Enye ekedide mbiet Abasi, Enye ikabatke ndida nkan̄ka ye Abasi ke n̄kp̄o eke o-kpomumde akama: edi Enye akan̄waŋa Idem Esie, ada mbiet ofin, owut idem nte owo; ndien sia Enye ɔwɔrɔde edi ke ido owo, Enye ɔsuhɔre idem, akabare osuk ibuot tutu ɔsuŋɔ ke mkpa, kpa mkpa cross. —Philippi 2:6-8

Ami ye Ete Mi idi kiet. Nte mbufo edɔhɔ ebaŋa Enye emi Ete okonimde, ete isio Enye idɔŋ ke ererimbot, ete, Afo emesuene Abasi, koro ndɔhɔde nte, Ndi Eyen Abasi? —John 10:30, 36

Jesus Christ, nsinsi IKO, ama ododu. Ke utihe-edinam, Abasi akanam eyomo

Enye ke idibi Mary. Ke obuk-idem efiōk Enye nte Eyen Owo, ke spirit efiōk Enye nte Eyen Abasi. Iko Abasi ada iko emi “EYEN” ndiyarade n̄wut ebuana emi odude ke ufɔt Abasi ye IKO Esie—emi edide Jesus Christ.

Mmɔdo ke adan̄emi Enye odude ke ererimbot, Enye ɔdɔhɔ ete, ... Afo emebeŋe ikpɔhidem ɔnɔ Mi. —Hebrew 10:5

Edi ke spirit Esie emi edide ata edisana, eriset emi Enye esetde ke mkpa ama owut ke odudu ete Enye edi Eyen Abasi; kpa Jesus Christ ɔbɔŋ nnyin. —Rome 1:4

Thomas ɔbɔrɔ Enye ete, ɔbɔŋ mi ye Abasi mi. —John 20:28

Owo ikemeke ndineni ete ido Abasi edi akwa ndibe-*ngkp*; Edi Enye emi akayararede Idem Esie ke obukidem. —1 Timothy 3:16a

Koro ofuri Uyoh Abasi ke ododun Enye ke idem; mbufo enyun enyene uyoh mbufo ke Enye.

—Colossae 2:9

Koro eyen amanade on nnyin, eno nnyin eyen-eren: ubon onyun odororo enye ke afara; enyun esio enye enyin, Utibe, Ono-item, Okp-on Abasi, Nsinsi Ete, Obon Emem.

—Isaiah 9:6

Jesus oboro mmo ete, . . . Ami ndudu ndien Abraham edimana.

—John 8:58

Uwem odu Enye ke idem; uwem

oro onyun edi unwana owo. Ata unwana emi anamde enyin anwana kpukpru owo okododuk ke ererimbot. Enye okodu ke ererimbot, enyun enam ererimbot oto ke Enye, ndien ererimbot idionke Enye.

—John 1:4; 9-10

Koro Abasi kiet odu, Ekpe-emem kiet ke ufot Abasi ye owo onyun odu, emi ke Idem Esie edide owo, kpa Christ Jesus; emi okonde Idem Esie, ete idi ufak kpukpru owo.

—1 Timothy 2:5, 6a

Emi nnyin inyenede ubohoufin ke Enye, kpa erifen mme idiok-*ngkp* nnyin. Enye edi mbiet Abasi emi enyin owo mikwe.

—Colossae 1:14, 15a

Koro akanam baba iko prophet itoho ke uduak owo: edi mme owo etin iko eke otode Abasi, nte Edi-sana Spirit esinde mmo etin.

—2 Peter 1:21

Kpa nte Enye akadade inua nti prophet Esie etin toto ke eritogo ererimbot. Ndino ikot Esie ifiok erinyana ke erifen mme idiok-
nkpɔ mmo.

—Luke 1:70, 77

Spirit Jehovah ada mi etin iko, uyo esie onyū odu mi ke edeme.

—2 Samuel 23:2

Ndien yak mme iko emi ami nte-mede fi mfin emi, edu fi ke esit.

—Deuteronomy 6:6

Kpukpru nwed, eke edade odu-du Spirit Abasi ewet, enyū edi se

ifonde ndida nkpep owo nkpɔ, nnyū nsua nno owo, nnyū nnam owo esana nte enende, nnyū nteme owo edinen ido.

—2 Timothy 3:16

Koro se ededi eke ekewetde ke ini oko, ke ekewet ndida nkpep nnyin nkpɔ, man nnyin inyene idori-enyin oto ke ime ye ndog-esit eke N̄wed Abasi onode.

—Rome 15:4

Mbufo emedue, koro mbufo mifiokke nwed Abasi ye odudu Abasi.

—Matthew 22:29b

Koro afo omokpono iko fo akan ofuri enyin fo.

—Psalm 138:2b

Enye onyū esine ɔfɔnidem emi
ekedebide ke iyip: enyiŋ Esie
onyū ekere IKO ABASI.

—Eriyarare 19:13

IKO okodu ke eritɔŋ, IKO oko-
nyū odu ye Abasi, IKO onyū
edi Abasi. Ndien IKO akabare edi
obukidem onyū odu ye nnyin.

—John 1:1, 14a

Jesus Ayarade Owut Nte
Abasi Etiede

Sia edide Abasi, emi ɔkɔnde
uyo ete, Yak unwana ayama ke
ekim, akayama nnyin ke esit, man
Enye anwanare owo enyin ndifiɔk
ubɔŋ Abasi ke iso Jesus Christ.

—2 Corinth 4:6

Akanam baba owo kiet ikwe
Abasi; ikpɔŋ-ikpɔŋ Eyen emi Aba-
si obonde, emi odude ke ikpanesit
Ete, kpa Enye amayarare Abasi.

—John 1:18

Abasi Etiŋ Iko Ke Jesus Ono Nnyin

Abasi, emi akadade mme pro-
phet etiŋ iko mkpuho-mkpuho ye
ke nsio-nsio usū ɔno mme ete
nnyin ke eyo oko, ke ukperedem
ini emi ama etiŋ ɔno nnyin ke
Eyen; emi Enye ekemekde onim,
ete edidi andinyene kpukpru
ŋkpɔ, okonyū adade ubɔk Esie
obot ekondo.

—Hebrew 1:1, 2

Ami mmen se ŋketiede ye Ete
Mi ŋkut ntiŋ.

—John 8:38a

28 EDIDA IKO EMI EKEWETDE NDOMO YE IKO EMI ODUDE UWEM

Iko Nwedi Abasi Edi Udia Ono
Ukpọn Nnyin

Mmonim iko inua esie nkan
uduak mi. —Job 23:12b

Idige uyo ikpọn ke owo edida
idu uwem, edi edida kpukpru iko
eke eworode Abasi ke inua odu.
—Matthew 4:4b

Iko Nwedi Abasi Ono Uwana
ke Usun Nnyin

Iko fo edi utuenikan ukot mi, ye
unwana usun mi. —Psalm 119:105

Erisiak iko fo anwana owo: otim
asian mme okoi. —Psalm 119:130

Jesus Edi Odu'wem Uyo emi otode
ke Heaven

Ami ndi oduuwem uyo emi oko-
tode ke heaven osuhore: edieke
owo ekededi adiade uyo emi, enye
eyedu uwem ke nsinsi: ndien uyo
emi ndinode edi obukidem Mi,
man ererimbot odu uwem. Ami
ndi uyo uwem. —John 6:51, 48

Jesus Edi Unwana Ererimbot

Uwem odu Enye ke idem; uwem
oro onyun edi unwana owo. Ntre
ke Jesus otogo ntak etig ono mmo,
ete, Ami ndi unwana ererimbot;
owo eke etienede Mi idisanake ke
ekim, edi eyenyene unwana uwem.
—John 1:4; 8:12

**Iko Nwedi Abasi Ada Uwem
Edinwum Eti mfri Osok Nnyin**

Edi mbet Jehovah adat enye esit; enye onyū osuk ekere mbet esie ke uwemeyo ye ke okoneyo. Ndien enye ebiet eto eke etode ke mben akpa mmō, eke osionode mfri esie ke ekem ini; ikō esie i-nyū ikenēke; ndien kpukpru se enye anamde ɔwɔɔ usū.

—Psalms 1:2, 3

**Jesus ɔnɔ Uwem eke Onwumde 29
eti mfri**

Eduŋ Mi ke idem, Ami nnyū nduŋ mbufo ke idem. Ami ndi vine, mbufo edi mme ŋkɔk: owo eke oduŋde Mi ke idem, Ami nnyū nduŋde enye ke idem, kpa enye onwum mfri ekese: koro esiode Mi efep, mbufo ikemeke ndinam baba ŋkpɔ kiet.

—John 15:4a, 5

MME IKO NWEDI ABASI ETIN ONO NNYIN ABANA JESUS CHRIST

Mbufo eduŋɔre Nwedi Abasi, koro mbufo esede ete mme imo ime-nyene nsinsi uwem ke esit; ndien edi enye edi ntiense ɔnɔ Mi.

—John 5:39

Ndien Enye ɔtɔŋɔ ke Moses ye kpukpru mme prophet asian se eketinde ebaŋa Enye ke Idem Esie ke ofuri Nwedi Abasi ɔnɔ mmɔ.

—Luke 24:27

30 IKO ABASI EMI ODUDE UWEM KE NSI-NSI IKEMEKE NDIKPUHORE

O Jehovah iko fo omowuhọ ke enyọn ke nsinsi. Ofuri iko fo edi akpaniko: kpukpru ndinen ikpe fo enyọn edu ke nsinsi.

—Psalm 119:89, 160

Mbiet amasat, ediye ikon onyọn akpa: edi iko Abasi nnyin eyeda ke nsinsi.

—Isaiah 40:8

Koro ke akpaniko ke ndohọ mbufo, Tutu enyọn ye ison ebe efep, baba ntai kiet mme ekpri nkpo kiet idibehe ifep ke ibet, tutu kpukpru nkpo esu. —Matthew 5:18

Ndien nwed Abasi ikemeke ndikpu.

—John 10:35b

Owo Ikemeke Ndikpuhore Iko
Nwed Abasi

Mbufo ekpeme ndinam kpukpru iko emi ami ntemede mbufo: kudian nkpo ke esit, kunyọn usio ke esit ufep.

—Deuteronomy 12:32

Kuda iko efen ukoro ke iko esie, mbak enye edisua onọ fi, edinyọn abat fi ke osu-nsu. —Mme Nke 30:6

Ndien edieke owo osiode nkpo ke iko prophecy nwed emi, Abasi eyesio enye udeme ke eto uwem efep, ye ke edisana obio, kpa nkpo emi ewetde ke nwed emi.

—Eriyarare 22:19

Owo eke esede iko (Abasi) ke ndek eyebiat idem esie.

—Mme Nke 13:13a

MKPA JESUS ANAM UDUAK ABASI ỌWỌỌ OSU

31

Emi esin Ete ama Mi, koro Ami nyakde uwem Mi nduok, man nkpotogo ntak mbo nda. Owo baba kiet iboho Mi uwem, edi Ami ke Idem Mi nyak uwem Mi nduok. Mmenyene odudu ndiyak uwem Mi nduok, mmonyog nnyene odudu nditogo ntak mbo uwem Mi nda.

—John 10:17, 18a

Jesus oboro enye ete, Ukpenyeneke odudu ndinam Mi nkpo, ke Abasi mikpetiehe ke enyog ino fi odudu.

—John 19:11a

Mme ese ete nkemeke ndikpe Ete Mi ubok, mbo Enye se ibede legion mme angel duopeba idaha emi? Edi se ewetde, ete, Nkpo en-

yene ndiworo ntem, edinam didie ndien osu? —Matthew 26:53, 54

Edi ke usog emi, Abasi anam se Enye ekebemde iso ada inua kpu-kpru mme prophet etig osu, ete Christ Imo eyekut ukut.

—Utom mme Apostle 3:18

Ke okposog uduak ye mbe-iso ifioke Abasi ke ekeda kpa Jesus emi eyak ke ubok mme anana-ibet, ekog ke cross ewot.

—Utom mme Apostle 2:23

Ndien Jehovah ama enye ndinuk; esin enye dogo: ukpog esie ama osio isop idiok-nkpo.

—Isaiah 53:10a

MME ETIE NTIENSE EMA ETIN EBAŊA MKPA JESUS

Mmɔ enyung ekɔŋ mbonŋwo iba ke cross ye Enye, kiet ke ubɔk nasia Esie, enye eken ke ufien.

—Mark 15:27, 28

Edi ɔtɔŋde ke ufɔt uwemeyo tutu osim hour ita ke uwemeyo, ekim ofuk ɔfuri isɔŋ. . . . Edi Jesus ɔtɔŋɔ ntak ofiori ke ɔkpɔsɔŋ uyo, ndien ayak ukpɔŋ Esie. . . . Isɔŋ onyung enyek; ikpɔ itiat enyung esi-aha. Edi ke ini centurion, ye mmɔ emi edude ye enye ekpeme Jesus, ekutde unyek-isɔŋ, ye mme ŋkpɔ oro etibede, mmɔ efehe akwa ndik eti-eti, enyung edɔhɔ ete, Ke akpanikɔ emi ekedi Eyen Abasi.

—Matthew 27:45, 50-51, 54

Ntre ke mbonekɔŋ edi edibun ukot akpa owo, ye ukot owo eken, emi ekɔkɔŋde ke cross ye Enye; edi ke ini mmɔ esimde Jesus, enyung ekutde ete Enye akakpa ama, mmɔ etre ndibun Enye ukot. Edi owo kiet ke otu mbon-ekɔŋ oro ada eduat okim Enye ke ŋkan, ndien idaha oro iyip ye mmɔŋ eto do ewɔrɔ. Ndien owo emi okokutde ŋkpɔ emi edi ntiense, ndien iko-ntiense esie edi se owo ekpenimde ke akpanikɔ. . . . Koro mme ŋkpɔ emi ewɔrɔ, man okposu nte ewetde, ete, Idibunke ndomo ɔkpɔ Esie kiet. . . . Mmɔ eyese Enye emi ekekimde.

—John 19:32-37

Edi Abasi amatat ubiak mkpa anam Enye eset: koro mkpa mike-meke ndimum Enye nkama. Abasi akanam Jesus emi eset ke mkpa, nte nnyin kpukpru idide mme nti-ense. —Utom mme Apostle 2:24, 32

Sia ndito ebuanade ndien ke iyip ye obuk, Jesus ke Idem Esie nkoko etiene ada iyip ye obuk kpa ntre; man Enye akpasana ke mkpa osobo enye emi akamade odudu mkpa, oro edi Satan, onyung emen uboko onko mmo emi ema edu ke itie ufin ke ofuri uwem mmo onko ndik mkpa. —Hebrew 2:14, 15

O mkpa, erikan fo enye? Edi yak ekom enyene Abasi, emi

onode nnyin erikan, oto ke Oboko nnyin Jesus Christ.

—1 Corinth 15:55, 57

Ami ndi Mbemiso ye Akpatre ye Andidu uwem; ndien mma nkabare nkpa, ndien sese, ndodu uwem ke nsinsi, nnyung nkama ukpoko mkpa ye obio ekpo.

—Eriyarare 1:18

Ema enyung ewut uduak ye mfon emi ke emi ke eriyarare Andinyana nnyin Christ Jesus, emi akabiatde mkpa, okonyung adade gospel Esie osio uwem, kpa uwem eke midikureke, onim ke unwana.

—2 Timothy 1:10

Enye eyemen mkpa ke nsinsi.

—Isaiah 25:8a

34 NSO KE NNYIN INYENE NDINAM YE JESUS?

Sese, ndada ke usun ntuak; edie eke owo okopde uyo Mi onyun osi-ode usun, nyeduk ntiene enye, ndia nkpa ye enye, enye onyun adia nkpa ye Ami. —Eriyarare 3:20

Edi ye owo eke minamke utom, edi obuotde idem ye Enye emi anamde ikpe etebe mme idio k owo, ebat mbuotidem esie ke edinen ido. —Rome 4:5

Ebo Edisana Spirit: . . . Ebene, ndien mbufo eyebo, man idaresit mbufo oyoho. —John 20:23a; 16:24b

Koro edieke afo adade inua fo onyime ete Jesus edi Obon, onyun onimde ke akpaniko ke esit fo ete,

Abasi akanam Enye eset ke mkpa, eyeboho. —Rome 10:9

Owo eke amade ete mme eka akan Mi idotke ye Ami: . . . Ekem Jesus odoho mbet Esie ete, Edieke owo ekeledi oyomde nditiene Mi, yak enye otuk idem esie, onyun emen cross esie, etiene Mi. Koro owo ekeledi eke ediyomde ndinya-na uwem esie eyeduk enye, edi owo ekeledi eke edidukde uwem esie kaba-na Mi eyeda uwem esie enyene. —Matthew 10:37a; 16:24, 25

Edi edieke mbufo edide eke Christ, mbufo enyun edi ndito Abraham; nte unwoho edide, mbufo edi mme ada-udeme enyene. —Galatia 3:29

OTO KE JESUS NNYIN INYENE OBUFA UWEM 35

Abasi ọkọnọ nnyin nsinsi uwem, uwem emi onyụn odu ke Eyen Esie. Owo eke enyenede Eyen enyene uwem oro; owo eke minyeneke Eyen Abasi inyeneke uwem oro.
—1 John 5:11b, 12

Edi Abasi, emi enyenede uwak mbom, oto ke akwa ima eke Enye akamade nnyin, akanam nnyin emi ikakpaade ke mme ukwa-
nkpọ nnyin idu uwem ke Christ (ke mfon ke ema enyana mbufo).
—Ephesus 2:4, 5

Ema ewot mi ke cross ye Christ; edi ke ndodu uwem; edi idige aba ami ke idem mi ke ndu uwem, edi Christ ke odu uwem ke esit mi. Ndien uwem eke ndude ke obuki-

dem ke emi, ke ndu ke mbuotidem, kpa mbuotidem eke nnyenede ye Eyen Abasi.
—Galatia 2:20a

Koro ibet Spirit uwem ke Christ Jesus ama anam mi mboho ibet idiok-nkpọ ye mkpa.
—Rome 8:2

Ntem edieke owo odude ke Christ, ema ebote enye obufa; nkan nkpọ ema ebe efep: sese, emekabare edi mbufa.
—2 Corinth 5:17

Ema ebon mbufo obufa, idige ke ubon eke edikpade, edi ke ubon eke midikemeke ndikpa, oto ke iko Abasi, emi odude uwem onyụn ebigide ke nsinsi. Nte nsek-ndito, eyom ata mmọn-eba Spirit, man mbufo eda enye ekori esim erinya-
na.
—1 Peter 1:23; 2:2

Abasi edi ete nditọ-akpa, ye ebirikpe mme ebe-akpa, ke edisana iduṅ esie. —Psalm 68:5

Ke emi, ndien, O Jehovah, afo edi ete nnyin; nnyin idi mbateso, ndien edi afo andibot nnyin; nnyin kpukpru inyū idi se ubọk fo akanamde. Afo, O Jehovah, edi ete nnyin; andifak nnyin edi enyiṅ fo ke nsinsi. —Isaiah 64:8; 63:16b

Ndien ama ekem ke ebiet emi ekedọhọde mmọ, ete, Lo-ammi (mbufo idige ikot mi) ke eyọdọhọ mmọ, ete, Nditọ Abasi uwem.

—Hosea 1:10b

Mmọdo edieke mbufo emi editọkde efikde ndinọ nditọ mbufo nti enọ, adaṅa didie akan oro ke Ete

mbufo emi odude ke heaven edimen nti ọkpọ ọnọ mmọ emi ebenede Enye? . . . Ebọṅ akam ntem ndien, ete, Ete nnyin emi odude ke heaven: yak ikpono enyiṅ Fo.

—Matthew 7:11; 6:9

Ndien nyedara mbufo, nnyū ndi Ete mbufo. Ndien mbufo eyedi nditọ iren Mi ye nditọ Mi iban. Ntem ke Jehovah Ata Ọkpọsọṅ ọdọhọ. —2 Corinth 6:17b, 18

Koro adaṅa owo nte Spirit Abasi adade mmọ usuṅ, mmọ oro edi nditọ Abasi. . . . edi mbufo ekọbọ spirit eke enyenede mmọ emi edade esin ke ubon Abasi, emi anamde nnyin ikot Abasi, ite, Abba, Ete. —Rome 8:14, 15b

OTO KE JESUS NNYIN IFIOK ABASI NTE ETE NNYIN

37

Jesus ɔboro enye ete, Ami ndi usun ye akpaniko ye uwem: owo baba kiet itieneke Ete, ibohoke ebe ke Ami. Edieke mbufo ema ediongo Mi, mbufo ekpenyung ediongo Ete Mi nko. Edieke owo amade Mi, eyenim uyo Mi; ndien Ete Mi eyema enye, nnyin iyeniyung idi ididung ye enye. —John 14:6, 7a, 23b

Abasi osio Eyen Esie ɔdɔn ... man nnyin ikpobo itie ndito inyene. Ndien sia mbufo edide ndito, Abasi ama ɔdɔn Spirit Eyen Esie edidu nnyin ke esit ete, ikot Enye ite, Abba, Ete. Koro kpukpru mbufo edi ndito Abasi oto ke

mbuotidem mbufo ke Christ Jesus. —Galatia 4:4-6; 3:26

Edi kpukpru owo eke edarade Enye, Enye ɔno mmɔ unen ndikabare ndi ndito Abasi, kpa mmɔ emi ebuotde idem ke enyiny Esie. —John 1:12

Ndien edieke owo anamde idioknpɔ, nnyin imenyene Ekpe-emem ke ufot nnyin ye Ete, kpa Jesus Christ, emi edide edinen. —1 John 2:1b

Koro oto Enye ke nnyin ke edem mbiba inyene usun eke isagade ke Spirit kiet itiene Ete. —Ephesus 2:18

JESUS ADA IMA, IDARESIT, YE EMEM OSOK NNYIN

Owo eke mimanama ifiokke Abasi, koro Abasi edi ima. Abasi edi ima; ndien owo emi odunde ke ima ododun ke Abasi, Abasi onyun ododun enye ke idem.

—1 John 4:8, 16b

Enyun efon ido ye kiet eken, enyun enyene esit mbom, enyun efen kiet eken, kpa nte Abasi okonyun efende mbufo ke Christ.

—Ephesus 4:32

Mbufo ema ema kiet eken, kpu-kpru owo eyeda oro efiok ete mbufo edi mbet Mi.

—John 13:35

Edi mbunwom Spirit edi ima, ye idaresit, ye emem.

—Galatia 5:22

Ndien ami nyedara Jehovah,

nyebre mban Abasi erinyana mi.

—Habakkuk 3:18

Afo eyewut mi usun uwem: uyuh idaresit ke iso fo; nkp inemesit ke ubok nnasia fo ke nsinsi nsinsi.

—Psalm 16:11

Mmodo sia ema ekeda mbuotidem enam ikpe etebe nnyin, nnyin imenyene emem ye Abasi oto ke Obon nnyin Jesus Christ.

—Rome 5:1

Nkp on emem ye mbufo; nyak emem Mi nno mbufo: idige nte erimbot onode ke Ami nno mbufo. Ekuyak esit etimere mbufo, eku nyun eyak esit mbufo ekop ndik.

—John 14:27

JESUS EYENAM ATA MME ANDITIENE ENYE 39

ESET KE MKPA

Edi edieke Spirit Abasi emi akanamde Jesus eset ke mkpa odunde ke esit mbufo, Enye emi akanamde Christ Jesus eset ke mkpa eyenyu anam ikpohidem mbufo emi enyenede ndikpa edu uwem, oto ke Spirit Esie emi odunde ke esit mbufo. —Rome 8:11

Koro emi edi uduak Ete Mi, ete, kpukpru owo eke ekutde Eyen, enyu ebudde idem ye Enye, enyene nsinsi uwem; Ami nyenyu nnam enye eset ke akpatre usen. —John 6:40

Jesus odoho enye ete, Ami ndi eriset ye uwem: owo eke budde idem ye Ami, okposuk edi nte enye

ama akpa, enye eyedu uwem: ndien owo ekededi eke odude uwem onyu budde idem ye Ami idikpaha ke nsinsi. —John 11:25, 26a

Koro kpa nte mkpa okotode owo, eriset ke mkpa onyu oto owo. Koro nte kpukpru owo ekpada ke Adam, kpa ntre nko ke Christ ke eyenam kpukpru owo edu uwem. Edi kpukpru owo ke idaha esie; Christ ebem iso eset nte akpa mbuwum; ekem mmo emi edide ikot Christ eyediana ye Enye ke eridi Esie.

—1 Corinth 15:21-23

Sia Ami ndude uwem, mbufo eyedu uwem nko. —John 14:19b

Owo eke midaha mbet Moses ikom nkpo akakpa ke uyo ntiense iba me ita, ituaha enye mbom; mbufo ese ndien ete edibiere ufen woson adana didie akan eno owo, eke edigide Eyen Abasi ke ikpat, onyung abatde iyip ediom, emi edade enam enye asana, ke nkpo ndek, onyung esuenede Spirit mfon?

—Hebrew 10:28, 29

Owo eke esinde Mi, onyung etrede ndibo iko Mi nda, enyene andibiere-ikpe esie: iko eke nketingde, kpa iko oro edibiere ikpe wno enye ke akpatre usen.

—John 12:48

Mmodo ndoho mbufo nte, Mbufo eyekpana ke mme idiok-nkpo

mbufo. Koro ke mbufo minimke ke akpaniko ite Ami ndi Enye, mbufo eyekpana ke mme idiok-nkpo mbufo.

—John 8:24

Edi mmodoho mbufo, mme ufan Mi, nte, Ekufehe mmo emi ewotde ikpohidem, ndien ke ebede oro, mikemeke ndinam nkpo efen. Edi nyesian mbufo Enye emi ekpefe-hede; efehe Enye emi, ke ama owot, onyung enyenede odudu ndiduok ke hell: mmosono ndoho mbufo nte, efehe Enye.

—Luke 12:4, 5

Nnyin idinam didie iboho edieke nnyin isinde erinyana eke okponde ntem?

—Hebrew 2:3a

Koro Enye omonim usen eke Enye edikpede ikpe ɔno ererimbot ke edinen ido, ke ubɔk Owo emi Enye ekemekde; Enye onyung ada erinam emi Enye anamde Owo oro eset ke mkpa ayarare owut kpu-kpru owo ete edidi ntem.

—Utom mme Apostle 17:31

Ete inyung ikpehe ikpe baba owo kiet, edi akayak kpukpru eribiere-ikpe esin Eyen ke ubɔk, man kpu-kpru owo ekpono Eyen kpa nte mmɔ ekponode Ete.

—John 5:22, 23a

Koro kpukpru nnyin inyene ndiwɔrɔ nyarare ke iso itie-ikpe Christ; man owo kiet kiet ɔbo

utip... se enye akanamde... ye nkpo oro edide eti, ye onyung edide idiɔk.

—2 Corinth 5:10

Ke usen eke Abasi edibierede ndibe nkpo owo ke ubɔk Jesus Christ.

—Rome 2:16a

Obɔn Jesus editode ke heaven ɔbiɔnɔre ke ikan emi asakde, ye mme angel odudu Esie, edisio usiene ɔno mmɔ emi mifiɔkke Abasi, minyung isukke ibuoɔt inɔ gospel Obɔn nnyin Jesus.

—2 Thessalonica 1:7b, 8

Edi ama edi mme asua mi emi mikoyomke ami nkara mmɔ, eda mmɔ edi mi, enyung ewot mmɔ ke iso mi.

—Luke 19:27

42 IDIHE KPUKPRU MMỌ EMI EDỌHODE ETE ITIENE JESUS EDI EKE ESIE

Mmọ edọhọ ete, mme imọ ifiok Abasi; edi mmọ ekan Enye ke ido mmọ. —Titus 1:16a

Edi edieke owo minyeneke Spirit Christ, enye idige owo Christ. —Rome 8:9b

Enyụn etie ke iso fo, kpa nte ikot mi etiede, mmọ enyụn ekop ikọ fo; edi inamke mmọ: koro mmọ enamde nte mbon-ima ke mkpok-inua mmọ, edi esit mmọ ebine udo-ri mmọ. —Ezekiel 33:31b

Mbio emi ekpono Mi ke mkpok-inua mmọ; edi esit mmọ ada nsan-nsan ye Ami. —Matthew 15:8

Idige kpukpru owo emi ekotde Mi ete, Ọbọ, Ọbọ, ediduk ke

Obio Ubo Heaven; edi owo eke anamde uyo Ete Mi emi odude ke heaven. Ediwak owo eyedọhọ Mi ke usen oro, ete, Ọbọ, Ọbọ, nte nnyin iketinke nte prophet ke enyın Fo, inyụn idaha enyın Fo iduọhọ mme demon, inyụn idaha enyın Fo inam ediwak ọkpọ odu-du? Ndien nyedọhọ mmọ adaoro, nte, Akananam ndiohoke mbufo: edianare Mi, mbufo mme anam-ukwankpọ. —Matthew 7:21-23

Kpa ntre ke mbufo ewut idem edem-edem nte ndinen owo, edi ke esit-esit mbufo eyọhọ ye mbubik ye ukwanido. —Matthew 23:28

NTI MME ANDITIENE JESUS EKOP ITEM ENO ENYE

43

Nnyin inyung ida emi ifiok ite, imofio Enye, emi nnyin inimde mbet Esie. —1 John 2:3

Nyenyung nda spirit mi nsin mbufo ke idem, nnyung nnam mbufo esaga ke mme ewuh mi, enyung ekpeme ikpe mi enyung enam.

—Ezekiel 36:27

Ndien ke ema ekenam Enye ofon ama, Enye akabare edi ntak nsinsi erinyaga on kpukpru owo emi ekopde uyo Esie. —Hebrew 5:9

Ema esio mbufo ke ubok idiok-
ngkp, mbufo emekabare edi ifin edinen ido.

—Rome 6:18

Koro nnyin idi se ubok Esie akanamde; ke Christ Jesus ke Enye

okobot nnyin, ete nnyin inam nti utom, emi Abasi ekebemde iso onim ete, nnyin ikpasaga ke esit.

—Ephesus 2:10

Edi edieke Christ odude ke esit mbufo, ikpohidem ama akpa oto ke idiok-ngkp, edi spirit ke odu uwem oto ke edinen ido. Koro edieke mbufo edude uwem nte obukidem etemede, mbufo enyene ndikpa; edi edieke mbufo edade spirit, mbufo ewot erinam eke obukidem anamde, mbufo eyedu uwem.

—Rome 8:10, 13

Yak kpukpru owo emi esemede ekot enyng Obng edianare ekpog ukwankp. —2 Timothy 2:19b

44 ERERIMBOT ESESUA MME ANDITIENE JESUS

Edieke ererimbot asuade mbufo, mbufo emofioke ete, enye ama ebem iso asua Mi, ndien edisua mbufo. Edieke mbufo ekpedide mbon ererimbot, ererimbot akpama ikot esie: edi sia mbufo midige mbon ererimbot, edi Ami nkemekde mbufo nsio ke ererimbot, ke ntak oro ererimbot asua mbufo.

—John 15:18, 19

Ini ke onyung edi eke owo ekededi eke ediwoode mbufo eyese ete imo inam nkpo ino Abasi. Ndien mmọ eyenam mme nkpo emi, koro mmọ mikodionoke Ete, minyung idionoke Mi.—John 16:2b, 3

Ese uto akwa ima emi Ete okonode nnyin, ete nnyin ikpekere

ndito Abasi: ndien oro ke nnyin inyung idi. Ke ntak emi ererimbot ifioke nnyin, koro mikofioke Enye.

—1 John 3:1

Nnyin inyene ndibe ke ediwak ukut nduk ke Obio Ubon Abasi.

—Utom mme Apostle 14:22b

Ke akpaniko kpukpru owo eke eyomde ndidu eti uwem ke Christ Jesus enyene ndibiom isin-enyin.

—2 Timothy 3:12

Mbufo eyekut ukut ke ererimbot: edi eson esit; Ami nkakan ererimbot.

—John 16:33b

Ndien kpukpru owo eyesua mbufo kabananya enyung Mi.

—Luke 21:17

MME UNWỌNỌ EMI ENYENEDE MMỌ EMI EKOBODE

45

Kudige, koro ami ndude ye afo: kunyek idem, koro ami ndide Abasi fo: nyesoṅo fi idem; nditreke ndinyana fi; nditreke ndimum fi nkama ke edinen ubok nnasia mi.

—Isaiah 41:10

Koro ete mi ye eka mi ekekpode mi, ndien Jehovah emen mi akama.

—Psalm 27:10

Ntre ke nnyin imekeme ndisoṅo esit ndoṅo ete, Jehovah edi Andinwam mi, ndifeheke ndik: Nso ke owo edikeme ndinam mi?

—Hebrew 13:6

Edieke esuenede mbufo kabaṅa enyiṅ Christ, ọfọfọn ọnọ mbufo;

koro Spirit uboṅ ye Spirit Abasi odoro mbufo ke idem. —1 Peter 4:14

Koro enye eyewuk mme angel esie abana fi, ete ekpeme fi ke kpukpru usun fo. Ndien nko ke ini ndisaṅade ke itihere mfut mkpa, ndifeheke idiok: koro afo odude ye ami; edi eto fo ye esaṅ fo edidun mi esit.

—Psalm 91:11; 23:4

Mmenyene ukeme ndinam kpukpru nkpọ ke odudu Andisoṅo mi idem. Abasi mi eyenọ mbufo kpukpru se inanade mbufo ọyọhọ-ọyọhọ, nte inyene eke Enye enyenede ke uboṅ edide ke Christ Jesus.

—Philippi 4:13, 19

Idomo ikosimke mbufo ibohoke se inade owo ndibiom; edi Abasi edi akpaniko, idinyun iyakke edomo mbufo ebe se ukeme mbufo edide; edi Enye eyesiak usun uboho ono mbufo ke ufot idomo, man mbufo ekeme ndibiom enye.
—1 Corinth 10:13

Mmodo eyak nnyin isana ikpere ebekpo mfon ye uko, man nnyin ibo mbom, inyun ikut mfon eke edinwamde nnyin ke ini nnan-enyin.
—Hebrew 4:16

Edi edieke nnyin isanade ke unwana, kpa nte Enye odude ke unwana, nnyin imoduk nduk ye

kiet eken, ndien iyip Jesus Eyen Esie eyet nnyin isana ke kpukpru mme idiok-ŋkpō.
—1 John 1:7

Fehe kpōn mme idiok itōn ini uyen, nyun tiene mmo eke esemede ekot Obōn ke edisana esit, bine edinen ido, ye mbuotidem, ye ima, ye emem.
—2 Timothy 2:22

Kpa ntre ŋko ke mbufo ebat ete, ima ikpa iworo ikpōn idiok-ŋkpō, edi ke idu uwem ino Abasi ke Christ Jesus.
—Rome 6:11

Esuk idem ndien eno Abasi; enwana ye Satan, ndien enye eyefehe okpōn mbufo.
—James 4:7

Mmada iko fo ndip ke esit mi, man ŋkudue fi.
—Psalm 119:11

ATA AKAM EDI EDINYENE EBUANA YE ABASI 47

Ke ini afo ɔdɔhɔde, ete Mbufo eyom iso mi, esit mi ɔdɔhɔ fi, ete, Nyeyom iso fo, O Jehovah.

—Psalm 27:8

Mbufo kpukpru owo, ebuɔt idem ye enye kpukpru ini; enwana esit mbufo ke iso esie: Abasi edi ebiet ubɔhɔ nnyin.

—Psalm 62:8

Nam udɔŋɔ okure mi, O Jehovah, ndien udɔŋɔ eyekure mi; nyaŋa mi, ndien nyedu ke ifure: koro afo edide itoro mi.

—Jeremiah 17:14

Enɔ ekɔm ke kpukpru ŋkpɔ; koro emi edi se Abasi amade mbufo enam ke Christ Jesus.

—1 Thessalonica 5:17, 18

Edi edieke owo mbufo ekededi ananade eti ibuoɔt, yak enye ebene Abasi, emi ɔnɔde kpukpru owo ke ntarubɔk, minyuŋ itɔhɔke owo; ndien Abasi eyenɔ enye.

—James 1:5

Edieke mbufo edunɔde Mi ke idem, iko Mi onyuŋ odunɔde mbufo ke esit, ebene se eyomde, ndien eyenam enɔ mbufo.

—John 15:7

Ŋkoyom Jehovah, ndien enye eyere mi, onyuŋ osio mi ke kpukpru se ndigede.

—Psalm 34:4

Mma ŋkpokut idiɔk ido ke esit mi, Ɔbɔŋ ikpokopke. Dahado ntem ke ndudue mi koro okponde, baŋa enyiŋ fo, O Jehovah.

—Psalm 66:18; 25:11

Koro Ọbọ́n ke Idem Esie eyeto ke heaven ọ́suhọ́re ye mkpọ́, ye uyo archangel, ye ukorowo Abasi; ndien mmọ́ emi ekpańade ke Christ eyebem iso eset: ndien eyemen nnyin emi idude uwem, emi isuhọ́de, edọ́k ye mmọ́ ke ikpa-enyọ́, man isobo ye Ọbọ́n ke enyọ́: ntem ke nnyin ididu ye Ọbọ́n ke nsinsi-nsinsi.

—1 Thessalonica 4:16, 17

Sia nnyin imenyene mme uńwọ́-ńọ́ emi, ndima mi, eyak nnyin iyet kpukpru se isabarede obukidem ye spirit ifep ke idem nyin, inam nti ido nnyin efọ́n ema ke eribak Abasi.

—2 Corinth 7:1

Mmọ́do, ńkpri nditọ́, edun ke Enye ke emi, man, edieke Enye ediwọ́rọ́de owut idem, nnyin ikpe-nyene uko, ikunyun inyene but ke iso Esie, ke adańemi Enye edidide.

—1 John 2:28

Kpukpru owo eke edoride enyin ke Enye ntem enam idem asana, kpa nte Enye asanade. —1 John 3:3

Mbufo eme anyan ime ntre ńko; esọ́ńọ́ mbufo esit; koro eridi Ọbọ́n ke ekpere. Nditọ́ete, ekusuk kiet eken uyo, mbak owo edikpe ikpe ye mbufo; sese, Ebiere-ikpe ke ada ke enyin-usun.

—James 5:8, 9

Mbufo nde ebeńe idem: koro Eyen Owo eyedi ke ini eke mbufo midorike enyin.

—Luke 12:40

YOHỌ YE SPIRIT ABASI

Mbufo ekabare ke nduari mi: sese, nyenwana spirit mi nduok mbufo ke idem, nyenam mbufo efiok ikọ mi. —Mme Ọke 1:23

Mbufo ekabare esit, enyụn ena baptism, kpukpru mbufo, ke enyịn Jesus Christ, man efen mme idiok-ńkpọ mbufo; ndien mbufo eyebọ Edisana Spirit nte enọ. —Utom mme Apostle 2:38b

Ekunyụn ekpa mmin; oro ọwọọ otime-otime ido: edi eyohọ ye spirit. Eda psalm ye hymn ye ikwọ spirit eneme nneme ye kiet eken, ekwọ enyụn enam edinem uyom ke esit mbufo enọ Ọbọ.

Enọ Abasi Ete ekom kpukpru ini ebaa kpukpru ńkpọ, ke enyịn Ọbọ nnyin Jesus Christ. Esuk idem enọ kiet eken ke utene Christ. —Ephesus 5:18-21

Koro edi Abasi esine mbufo ke idem anam mbufo enyime enyụn enam, man eti uduak Esie edi-wọ.

—Philippi 2:13

Nte mbufo ifiokke ite mme imọ idi temple Abasi, Spirit Abasi onyụn odun mme imọ ke esit? Mbufo inyụn idige eke mbufo. Ekedep mbufo ke ekom-urua; mmọdo enọ Abasi ubọ ke ikpohidem mbufo.

—1 Corinth 3:16; 6:20

Scripture text is from the Bible in Efik by United Bible Societies Africa Regional Centre, Nairobi, Kenya. Used by permission.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Eno ke Mfon — Idighe Unyam

World Missionary Press

PO Box 120

New Paris, IN 46553-0120 USA

www.wmpress.org

2-25



Read booklets online or by App

www.wmp-readonline.org

1524 Efik HKG